

梅

里

志

梅里志序

嘉慶改元先大夫閣學公自栝蒼移守嘉禾  
時余甫弱冠隨侍郡署先大夫下車卽興除  
利病振文教樂造就郡之人士一時執業門  
下者衆如錢恬齋朱某堂丁小鶴李薌沚諸  
君子皆最被知賞余因得與相交契薌沚家  
長水之梅里往來酬接尤數值今 宮保制  
府師儀徵阮公視學兩浙按試禾郡詢梅里

朱竹垞檢討曝書亭遺構已久傾燕與先大夫商謀重建因各捐廉規址庀材屬先大夫飭度其事次年亭成公偕先大夫親至梅里以落之余亦嘗過訪其亭所謂菱池槐汧南垞北垞者舊蹟尚存裴回久之猶可想當日風雅之勝概焉余旋供職戶曹歷詞垣先大夫在任纂修郡志某堂薌泚竝與分纂之役梅里曩有楊未孩始創志藁尚是粗就而未

加釐定其時略爲掇載郡志惜未有龍竟其  
業者今余奉

命宣藩涖浙適鄞訢補輯梅里志甫成將授  
梓請敘於余余惟梅里始聞於石晉至明中  
葉而漸盛民物殷阜俗尚淳樸已成一巨鎮  
其掇科第而仕宦者皆有以政績聞於時

國初人文薈萃海內稱詩者咸推朱檢討李  
徵士兩家而王言遠思青上沈山子諸人復

相應和故百餘年來其流風遺韻至今弗替  
不可無紀載以資考鏡薈壯爲徵士之後頗  
畱心鄉邦文獻是志復得續爲按采以補其  
闕而里之風土民情人物掌故耳聞目見舉  
凡古今事勢之異察然具著於編藏若一都  
邑之勝吾知上諸輜軒他日有重修神省志  
乘者可據此以爲徵攷而亦見我  
朝治化之盛有不限於方隅僻壤者如此爾

道光五年七月既望

欽命浙江承宣布政使司布政使隨帶軍功  
加一級長白繼昌撰

梅里志自序

去嘉興城南三十餘里里曰梅會市曰王店長水環其外硤石大小橫山及史諸阜亘其南有水自西而東沿洄三里曰梅谿繞谿南北闐闐煙火不下數千百家其間人材輩出政事文章彬彬極盛擬諸通邑大都焉而園林第宅浮屠考之之宮參錯郊野間者廢興不一攷信無從余竊憾之康熙初杜宗伯遇徐里人也王尙書阮亭送其南歸詩云亦欲投簪東海去便從梅里問幽棲金榮箋註則曰陸廣微吳地記仲雍卒葬梅里注又名番麗今橫山惠棟訓纂則曰路史國名紀梅里在蓋閭城北五十里輿地志吳築城梅里平虛卽此

引證之繆由未見至元嘉禾志耳而吾里之好事者乃謂里中之響鈴墳卽仲雍墓悠繆之談余尤懼焉年來客桐谿課讀之暇不揆禱昧輒箋鄉先輩朱太史竹垞詩凡見載籍中有單辭隻字涉吾里者亟爲鈔撮暫歸里門卽往荒墟古刹遇有殘碑斷碣手錄以歸會粹之分四十門合十二卷名曰梅里志蓋稿屢脫而發凡亦幾經更定矣聞朱太史昔曾欲輯里志未果後屬門下顧松壑且語與蓮西共成之卒亦未就今距太史歿又六十餘載其遺文不知散軼幾許而故老亦畧盡矣余不敏敢自附作者之林惟是鄰里文獻見遺於志乘者不忍視其湮沒亦詩人桑梓敬恭之義也世之覽者



尙其諒余之心而匡余所不逮是則余之厚幸也夫

乾隆三十有八年歲在昭陽大荒落元月中澣四十二間廊  
庶客楊謙書

補輯梅里志序

嘉慶庚申郡守伊小尹師以郡志久未纂修延邑人士共事編輯余與楊子文樸同預分纂之役時設局於鴛湖講院朝夕商榷得悉其尊先人未孩先生纂有梅里志因請借觀一過規模粗就尙未卒業嗣後星離雨散不復相聚甲戌余客莫釐聞文樸在桐谿病逝卽寓書於其弟文漁以是書有關里中故實勿任其散佚文漁卽檢篋見寄屬爲踵成之伯兄引樹曾加校訂余頻年羈旅四方亦未暇及此今歲暫息塵鞅杜門里居始得披校是書分門實三十有六曰鄉村所列皆去里三五里以外曰里諺僅載五六條不足以分目曰耆

碩曰壽母所載殊猥瑣曰碑刻曰校讐碑刻祇數種校讐亦無甚關於稽攷今竝爲刪并山水一門載大小橫山及硤石東西山然一屬海鹽一屬杭郡之海昌地志皆以疆域爲限斷未可借材於他境故邑志俱不載今亦刪之其餘悉仍舊目而增坊表祠宇至遺聞軼事尙有未經接采及三四十年来之人物咸爲補輯庶幾先生未竟之志得藉以成蓋梅里雖僻小而文獻之盛不遜於通都大邑然則異日上諸史館及有修郡邑志者亦足據此以爲徵信焉爾

嘉慶二十五年歲在上章訖徐相月同里後學李富孫述

續修梅里志序

里志創議於竹垞老人纂修於楊氏未孩增輯於李氏薌沚相去各數十年迄今又數十年矣中經衰亂梨棗剝蝕薌沚子蒼雨思補刊之而未果也夫修志難鄉僻之區視都會爲尤難兵燹之餘視承平爲尤難通都大邑人物蔚起徵文考獻網羅易集而不然者病於孤矣兵革不興間井晏然者舊傳聞流爲故實而不然者患於湣矣里處郡邑之南穀布交易士多寓公復經髮逆騷擾園亭街巷慨焉滄桑余先後涉足凡三十年舊時遊釣之所談讌之侶已幾幾乎不可復識矣今年春郡尊許雪門太守興修府志檄駐里沈小槎貳尹

籌捐經費遂邀毛雲達沈伯淵李小康李硯雲並王鑄言陳  
聯卿兩同年及嘯松舍弟相與轉勸時舍弟輯梅里殉難錄  
甫竣因多方采輯以續成之卽請郡局撥貲以付剞劂雖不  
敢謂竟無遺漏而不得謂非有意紹述者余適歸自南海風  
雪歲暮庭鮮履綦爲之校閱一過並誌數語以列簡端時光  
緒二年冬十二月

賜進士出身翰林院庶吉士余弼謹撰

補輯梅里志凡例

一原志序云分四十門然自沿革至詩話實僅三十六門今刪去鄉邨里諺耆碩壽母校讐以先達易仕宦太學易雜選貤贈恩蔭并爲封廕而加增坊表祠宇蠲恤凡三十二門

一原志科第有表薦辟明經雜選均未列表今並依科第爲表以歸一例

一原志一人有兩見如蔣薰旣入先達復入孝義范路入孝義又入隱逸朱茂曙顧仲清旣入文苑又入藝術李宗仁旣入孝義又入文苑皆與史體不合今並爲刪併

一原志尙未卒業每門亦無小序兼有采錄他書隨手補綴不免冗複舛錯今悉刪正以就簡覈

一先生卒於乾隆乙巳迄今已三十餘年凡事在乙巳以後者皆爲補入并許燦梅里詩輯春風錄及伊府志司縣志等書亦並輯補

一原志各傳於每人著作未能一例盡載今並刪去統見於著述門以省繁複補輯各傳亦同

一里中爲人文之數其有列傳不能盡載則以其詩文等集備載於著述門亦可畧見其梗概以藉爲闡揚云

一余生旣晚又自壯歲遠游故老俱已凋謝里中遺聞軼事

未能盡悉今增輯此書賴諸同志共商訂之



梅里志目錄

卷一

沿革

疆域

山水

卷二

古蹟

坊巷

坊表

橋梁

卷三

寺觀

卷四

寺觀

卷五

寺觀

祠宇

卷六

園亭

第宅

卷七

墓域

義冢附

蠲卹

物產

風俗

卷八

科第

薦辟

明經

雜選

封蔭

卷九

仕宦

孝義

卷十

文苑

隱逸

卷十一

藝術

釋道

流寓

卷十二

節烈

卷十三

節烈

卷十四

節烈

閩秀

卷十五

著述

卷十六

著述

碑刻

卷十七


舊聞


卷十八

詩話

梅里全圖

# 梅里全圖





梅里在縣南三十六里舊邑志稱一方都會南界海昌境十里東界海鹽境五里西北界秀水境十里西南界桐鄉境十里北界新塘橋十里廣袤約二十里四隅以此爲限而支河橋梁竝藉以表識焉



梅里志卷第一

里人楊

謙纂

李富孫補輯

余

楸續補

李保宸參校

沿革

補梅里秦漢屬由拳吳爲嘉興唐時隸蘇州至錢武肅王  
置嘉興鎮設鎮遏使一人時王逵居此爲王店鎮之始宋  
初以嘉興隸浙西路明吳元年屬直隸洪武間改隸浙江  
而梅里之稱以達環植梅花因名焉

梅里在嘉興縣南三十六里大彭嘉會二都之間市曰王店  
爲古揚州域周屬吳南境及越滅吳地歸越周末楚威王取

越地屬楚秦始皇二十五年置長水縣屬會稽郡東巡掘汙  
長水徙今治改名由拳二世元年項氏據爲西楚地漢高祖  
三年立兄賈爲荆王地屬之十一年賈誅復立會稽郡十二  
年封賈子濞爲吳王地屬吳吳廢復隸會稽東漢永建四年  
分浙西爲吳郡屬吳三國吳大帝黃武四年割山陰海鹽二  
縣地爲鹽官縣黃龍三年由拳野穀生改爲禾興因以紀年  
赤烏五年避太子禾諱改禾興爲嘉興梁太清二年嘉興隸  
吳州隋文帝開皇九年罷吳州改吳郡爲蘇州置錢塘爲杭  
州廢嘉興入錢塘屬杭州唐武德七年復置嘉興屬蘇州入  
年嘉興又廢唐太宗貞觀元年復嘉興縣仍屬蘇州隸江南

道大厯五年陞嘉興爲望縣十四年改隸浙江後唐莊宗同  
光二年吳越王陞嘉興爲開元府蘇州爲中吳府置嘉興鎮  
明宗長興二年文穆王罷開元府復屬中吳晉烈祖天福四  
年以嘉興爲秀州另立嘉興縣宋太宗淳化三年隸浙西路  
政和七年改秀州爲嘉禾郡宣和三年復改爲州寧宗慶元  
元年陞嘉興府元至正十四年陞爲嘉興路元末爲張士誠  
所據明太祖吳元年改路爲府屬直隸逮洪武十四年十一  
月始以嘉興府改隸浙江宣德四年析嘉興置秀水嘉善兩  
縣而梅里仍屬嘉興

皇朝因之百年以來休養生息物阜民康爲縣南一巨鎮焉

梅會里在大彭嘉會二鄉間石晉時鎮遏使王達之居也

植梅百畝聚貨市易今稱梅谿亦曰王店

至元嘉禾志

大彭鄉管里四曰朱塔力林陳浦梅會嘉會鄉管里四曰

曹與梅會朱巷張滿

同上

大彭鄉治南十里舊里四朱塢力林陳浦梅會今十六都

里五十七都里十一十八都西南區里十二西北區里十

嘉會都治南二十里舊里四曹與梅會朱巷張滿今十八

都東區里一十五十九都西區里十一二十都里十

嘉興府志

圖記

大彭之都大河一支河一圩二十一嘉會之都大河一支

河一十七圩三十六

同上

王店鎮在縣南三十六里

嘉興府柳志

王店鎮有工部尙書王達者世居大彭都官灘里自達構

屋於梅谿聚貨貿易因名王店

嘉興府吳志

王店鎮王達之武肅王時爲嘉興鎮邊使仕至尙書後居

梅水百晦皆梅花至今稱爲梅里

嘉興縣何志

武肅王置嘉興鎮卽今之王店鎮

同上

嘉興南有馬塘堰又南有王店

明史稿

一曰王塾

橋李詩繫

一曰王鎮

晦品薰禪師語錄

宋將仕郎九二公善懋遷遂成市稱王店誌陰隲書中

王

人行

補梅里自王尙書達後簪纓相繼日漸殷庶遂成巨鎮

許

春風錄

予年十七避兵練浦歲已丑  
雀符四起廼移家梅會里  
在大彭嘉會二都之間市名王店或曰石晉時鎮遏使達  
居此故名或曰宋尙書居三之宅或曰元學士景家於是  
或曰元學正綸也傳聞各異己亥十月訪蔣布衣之翹於  
射襄城蔣語予曰子知王店之所由名乎洪武中孝廉鏞  
及弟鈞之所居也因出其所輯樵李詩乘則二王詩俱在

焉併出二王合刊詩稿舊本共一冊燈下讀未竟客至  
飲而罷後見水竹居詩一卷中載二王詩各一首因亟錄  
之梅會一作梅滙水曰梅谿鏞詩所云吾家舊在梅谿上  
是也梁孟敬石門集有題嘉興王氏梅花莊詩未審卽是  
二王所居否因錄鏞詩附誌於此

宋樊尊靜  
志居詩話

予將謀隱梅里五月十九日梅里爲盜所劫因寄山顏錫  
鬯山子青士諸子詩閨闡難久居仁里素所慕一水繞通  
渠雙峯橫古路禽尙宛然在直爲高世度桑竹靄成鄰漁  
釣不知暮賊徒來何方飛鱸忽屯聚煌煌白日明焚劫怖  
童孺豈恃招撫仁將謀進身具警急近城南繼此足深慮

吾方營一技盡室伴鷗鷺  
鬢髮變爲霜他鄉那如故  
日擊恐懼頻買山匪細務  
廼知遭亂人流坎兩無據  
先哲戒求

安達生等萍寓

曹溶靜  
惕堂集



疆域

補里在大彭嘉會二都之間長水東爲大彭都西則嘉會都也亦曰梅滙廣袤二十里許市僅三里爲嘉興四鎮之一云

東至曹王廟十四里

曹王廟在縣東南四十里宋元時鄉人崇奉最謹有碑殘毀惟云唐天寶間里人王友文捨宅剏建有殿廡五嶽樓每歲三月鄉人市女燒香者萬計

柳志

曹王祠不知所自始故老相傳云曹武惠王彬平江南不妄殺邦人感而祠之明萬厯間重修按曹彬下江南昔人

有辨其未嘗至吾嘉者況王姓舍宅已在唐天寶間宜作

曹信父子爲是

何志

補明成化壬辰嘉興府知府楊繼宗題曹王廟七律一首

萬厯辛巳當湖曹煒次韻三首勒石尙存殿後一室乾隆

壬辰羽士萃凝屬楊君謙分書題曰小蓬壺

春風錄

許恂如曹王廟詩報祈循吏合蒸嘗矯祝多男笑瓣香但

解兒曹提印好不知誣卻濟陽王

何志

沈宗良詩燕梢畫舫盪斜暉知是曹王廟裏歸拍按歌聲

猶緩緩鳥銜花片故飛飛

鄉音

蔣薰游曹王廟詩畱得江南十里春曹王廟外踏青頻醉

翁買個酒仙伴遊女生憎泥美人

廟中兩廡下驚酒仙泥美人諸土偶畱素堂集

譚吉璫和鴛鴦湖權歌碧瓦珠光火一丸綠楊絲掛綵旂

乾泥孩縱說廊延好不及曹王廟上看

朱譚合刻

東北至石佛寺二十里

寶

一作保

聖石佛院在嘉興縣東南唐至德二年於寺基掘

得石佛四軀至今見存天聖中賜名寶聖人但呼石佛寺

開窗括異志

西南至屠甸寺二十里

屠甸鎮舊屠甸村在千金鄉去縣東南二十餘里商賈貿

易亞於他鎮

桐鄉縣志

西北至濮院鎮二十里

濮院鎮在梧桐鄉元有右族濮氏居焉流水環繞土沃宜桑云卽古橋李墟也有范蠡塢洗足灘胭脂滙濮元帥別業在焉

趙圖記

濮院鎮元濮鑑爲寧遠將軍有八宅此其一也

橋李詩繫

濮院鎮在古橋李地梧桐鄉去縣東北二十里宋建炎二年著作郎濮雲翔從高宗南渡卜居此地元大德間名永樂市濮氏構屋開街召民貿易鎮遂因以名東連秀水南界嘉興萬家煙火民多織作綢絹爲生爲都省商賈往來之會而風俗淳茂書聲達戶前朝楊述爲開國解元楊青

爲開邑甲科俱產其地宋景濂諸先生嘗摘濮川八景繪圖賦詩以誌其美洵人文之淵藪也

桐鄉縣志

南至硤石鎮二十里

唐置硤石鎮鎮西爲紫微山與鎮東東山相峙因曰硤石

亦名雙峯天目分流正出其中卽谷水也

趙圖記

山水

補吾邑百里無山里南十里許有爰史二山已半屬桐鄉  
正南十五里有大小橫山屬武原更南三里硤石東西兩  
山別屬海昌而長水發源天目經硤石東北流二十里至  
海澹更北流四十里入於淞湖其間川澤縈紆襟帶左右  
通達遠近皆有支派可別焉

爰山在里西南九里嘉會都千金圩半屬桐鄉

爰山在縣西南五十七里高二丈周回七里攷證昔道士  
爰基隱居學道於此後尸解焉因以名

嘉禾志

補爰山之西麓爲桐鄉縣境

方輿紀要

貝瓊游爰山記庚戌春清明陳君仲謀約子游爰山天雨  
不果行今年春三月丁酉天氣澄穆予與仲謀幸無事撓  
廼促治酒肉飲食以帥陳熊陳魯兩生泊子子期由大谿  
北折而東度陌越阡至爰山之趾居人四五家皆棘樊荆  
扉雞犬相應髣髴桃源中而里之巨族卜氏有冢在山半  
冢後得支徑而上高下稚松萬株環舍無路俛首松下偃  
僂行而雲氣相蕩不啻魚泳波濤中山回路盡有石嶄然  
壁立者卽爰道人尸解處其巔有小石突怒土中類筵筍  
者有盤互類木走長根者方飲酒大醉昏然欲睡皆踞石  
而坐松風謾謾吹人衣耳目爲醒已而復東其塗漸夷有

公主墓云宋孝宗女葬於此又行至東山則所謂史山者  
視父山稍舛上建神官祠人至而禱者前後相屬予亦倦  
而休焉因觀祠旁古井井深二仞而泉瑩可鑑疑仙者洗  
藥於此或云山僧盤石以濟三伏之暍者人獲汲以飲焉  
山之勝殆盡於是矣日暮下山路益峭或有雞子石磊磊  
至不容足而山陽王氏巨竹千挺參天以非好事者不得  
造其所近山又有三湖青渟黛蓄與天一色錦鳬往來可  
畫從者艤舟以待翺與二生皆登舟仲謀從予徒行歸

貝清

江集

朱彝尊父山題壁予避地梅會距父山一十三里居未定



南至於端州西北窮乎雲朔東放琅瑯茲山在戶牖之外  
歷四十九載未之游焉歲在丁丑九月九日期譚十一給  
事兄踐登高之約舍舟而陸杖藜偕行山高僅二丈逶迤  
七百步上有銅棺冢道士受基尸解葬焉遺井尙存傳是  
基所鑿也石皆赭土人伐以繚垣歲既久山失其半惟一  
僧舍獨存拓北窗灌木一林葉未黃落寺僧掇新栗以進  
猶帶芒蝟取其實嘗之味若巖桂之始花然當元之季貝  
助教瓊來居千金之圩暇與比隣諸子燕飲於是其後入  
爲史官分教中都胄子恒思此樂之不易得見諸吟詠今  
給事暨予已脫朝簿歸田敝車小舫縱吾意所如而莫爲

之限且天假以年老而不學分寸之陰皆可惜盡不各載  
書卷畱寓茲山相與辨析古今疑義別其是非用示後學  
此亦事機不可失者也給事曰弟之言然廼分書於寺壁

下山

暴書  
亭集

父山在府城西南五十七里舊屬嘉興今析屬桐鄉縣東  
南三十五里千金鄉昔有道士父基尸解於此惟存巾篋  
葬之號銅棺冢山有兩峯東峯號史山明初貝清江朱以  
貞結父山詩社後郭觀察舜舉吳洪雅公治西林僧公朗  
輩繼其盛云又有洗藥井藏兵塢潮音院顯靈廟係宋時  
祀三衢周孝子封顯靈王者慈烏泉喝石品陶宏景真誥

云嘉興父季真於宋景和元年得晉楊許三真手蹟於剡

縣馬氏以呈廢帝又陶隱君弟子題名有嘉興父興祖李

詩繫

洗藥井在父山卽父仙煉丹所禾錄

父仙石在山左赤沙泉與父仙石近雷素堂集

潮音院在父山禾錄

藏兵塢在父山山形如蛇中有斷處時見陰雲光怪相傳

爲古覆兵處同鄉縣志

顯靈廟在父山寶慶元年建益三衢孝子周姓子而成神

者也宋封周顯靈王禱者甚衆同上

明國子助教貝瓊宅在爰山後今作菴

禾錄

銅棺冢在爰山爰基成道其弟子以巾篋葬於山按漢陽  
羨袁玘有道術卒後風雨失柩夜聞荆山有人喊聲鄉民  
往視則棺已成冢因呼銅棺冢言非人力也茲冢其卽此  
義與

同上

史山在爰山之東上有神宮祠下有公主墓鳧冠渡

史山卽爰山東峯高十餘丈前有貝瓊宅并來青堂

桐鄉縣志

山東峯神祠旁有古井泉瑩可鑑

名山記

宋孝宗公主墓在爰山東紹興二十四年封碩人進永嘉  
郡主三十二年卒詔以醫官李師克等付吏訊治時孝宗

尚在東宮奏臣女幼而多病不宜罪醫遂寢乾道二年贈

嘉國公主葬於此

禾錄

父史兩山間有公主墓元末貝瓊詩云佩環何日歸公主  
泉下銅棺闕千古是也康熙癸亥喧傳石裂銅棺見桐鄉  
令何公禁止不發蔣丹崖薰作銅棺辭曰宋朝公主闕銅  
棺五百年來灰土寒青草塚憐何大令佩環歸否出人間

桐溪聞見錄

史山有葛洪丹井

雷素堂集

來青堂在父史兩山間元陸景遠居此

桐鄉縣志

上庭遊史山詩言從山後路九折到禪扉過日汗流背迎

風沙入衣帝花來鳥獨采藥問人稀零落存丹井尋仙意  
未違

梅谿卽里中市河縣亘三里長水之支派也乾隆壬午閏五  
月里人公捐開濬

梅谿在縣南四十里

柳志

梅谿泊南四十里谿旁村落多樹梅故名

吳志

余近移家長水之梅谿爰山在其西橫山在其南皆可望

見

暴書亭集

〔補〕長水自南來至慶豐橋支流折而東爲市河卽梅花谿  
當時人煙未聚谿兩岸皆梅花故得此稱今民居稠密夾

岸無隙地矣谿又東十餘里至橫涇會於海鹽塘

春風錄

楊雍建欲往梅谿不果詩梅谿還憶昔游時滿壁松風落  
酒卮三徑雲生苦石冷四花香送夕陽遲幾回夢遶禪宮  
月無柰空吟逆旅詩何日扁舟尋故侶重登小閣望東籬

清詩  
初集

繆涿村居襍詠長水南塘路向西西谿東畔是梅谿乘舟  
慣出梅谿市曲岸藤花咫尺迷

苻谿  
詩集

朱彝尊鴛鴦湖櫂歌谿上梅花舍後開市南新酒酸新醅  
尋山近有父基宅看雪遙登顧況臺

暴書  
亭集

長水塘在里之西發源天目南自硤川北注南湖

方輿紀要  
南湖一名

湖鴛鴦

計六十里秦時所鑿

秦置長水縣於谷口湖後改由拳塘仍名長水

吳地記

長水塘在縣南六里通硤石案舊志載吳錄地里曰吳王時此地本名長水故嘉興亦曰長水秦始皇東游至長水聞土人謠曰水市出天子從此過見人乘舟交易應其謠遂改爲由拳縣塘今仍舊云

柳志

長水塘縣南三里水自海寧諸山貫硤石東北流五十里入嘉興縣境合於鴛鴦湖

何志

〔補〕長水自硤石北流二十里至王店鎮

在王店南數里已入縣境

又北

流十里至新塘橋稍迤東北流十里至馬王塘橋分東西



二支其正支出大馬王塘橋東北流經秀水橋入鴛鴦湖  
其旁支出小馬王塘橋西北流會九里港入秀水縣界之

姚家蕩

嘉興縣  
司志

祝守範長水道中詩風雨孤颿路政賒望中秋色滿蒹葭

身驚久病漚同幻鬢看新愁雪漸加巨浪晝行聯佑舶寒

澄夜宿傍人家陶懷慙向湖頭放準擬佳期對月華

非非集

朱德培長水詞妾恨遠人遠安知長水長輕帆無處泊只

恐到斜陽

西園刻  
竹吟

王庭長水雨歸詩渾覺行來重冥冥宿霧中牽愁終是雨

破夢不開風野色連沙鳥秋聲入岸蟲蒹葭搖落後相泣

客塗窮

秋闕草

又長水道中惜雙雙令詞一歲定須來幾度來未久還須  
歸去最怪經過處風風雨雨長塘路此身常似無家住嗟  
老矣奔波猶故羨繫匏難做人只爲浮萍誤

秋闕詞

周篋長水道中詩晴煙初日迴移櫂自青谿綠樹回看合  
青峯望郤低波浮紛藻荇沙浴亂鳬鷺坐聽漁歌發悠悠

裴島西

采山堂集

徐在同鹿堂泛舟長水翫雪詩螭蝗塘畔小沙船素練明  
河積雪天露出一痕青點處始知樹在破村邊

演谿詩

朱熹尊長水曉行詩月暗千重樹風微一葉舟殘星高太

白重露滴牽牛菽乳新漿熟魚標小市收不知葭莢岸吠

蛤爾何求

暴書亭集

又鴛鴦湖櫂歌長水風荷葉葉香斜塘慣宿野鴛鴦郎舟

愛向斜塘妾意終憐長水長

同上

查慎行二月十六夜自長水塘乘月放舟二鼓抵嘉興城

下作兩岸隴隴桃李花一天風露屬漁家小船臥聽櫂歌

去行到鴛湖月未斜

敬業堂集

潘耒過長水訪朱竹垞閱其藏書同過天香菴看梅尋繆

天自李斯年周文石諸故舊詩將爲汗漫游取別膠漆友

小別動經年那能遽分手我已懸旌不可畱君言停橈且

少休子非壯年我頭白豈可相過如浮鷗感君此意如一  
口闕君藏書富無匹列櫝芸籤盡秘本連牀號紙多鈔筆  
隻字搜來劫火餘兼金購自故家出一齋已堪壓鄴架三  
篋定可補石室今年積寒勒江梅絕奇上已逢梅開野巷  
疎籬十數樹娟娟香雪黏蒼苔此鄉故友多零落繆李猶  
存欣矍鑠浮沈不異九秋萍出處何如一邱貉古南禪伯  
今則無牧雲和尚米市詩翁不可作文石之交青士人生良晤非偶然  
不惜明燈照深酌吾曹自有千秋期莫嗟衰晚愁鬢絲旂  
常鐘鼎非吾事著書藏山猶未遲我方躡屨登匡廬君亦  
浮舟游武夷歸來各攜赤文綠玉字要補上世石鼓銅槃

辭遂初  
堂集

顧猷幽棲詩四十爲漁長水西汀蘭沙鳥共幽棲雨餘籬  
落經蛛網風靜檐牙上燕泥欲醉且圖元亮酒長貧一任  
少陵妻苔磯倦倚還持釣莫管柴門日色低

桃花  
里集

楊爲裘長水夜泛作涼宵初散雨溟濛橋李城南泛短篷  
幾處漁燈分遠近一灣蟾影半朦朧渚蘆漾水堆秋雪塞  
雁驚寒過朔風茶竈筆牀饒韻事祇憐不與故人同

石齋  
詩鈔

谷水在里西卽長水也

陸機詩云髣髴谷水陽眷戀崑山陰蓋此渠足以分震澤  
松江之水南入於海也後世谷湮廢人不復知其名嘗質

於老儒謂松江東流聚爲小湖西北接白蜆馬騰谷瑁四

湖所謂谷湖者卽谷水之舊蹟也又南接三泖下接海鹽

之蘆漈浦行二百餘里南至於浙江疑此卽谷水故道吳郡

圖經續紀

補水經注太湖東注爲松江一江東南行七

十里入小

自湖東南出爲谷水東南逕嘉興縣城西又

東南逕鹽官縣故城南出爲澹浦以通海案鄭注谷水出

小湖吳郡圖經說正同後人以長水爲谷水與故道不合

谷水在縣南四十五里舊經云古戰場夾谷口秦長水縣

治所在吳記谷中有故山拳縣卽柴辟亭

楊爲裘谷水攷舊經云古戰場夾谷口秦長水縣治夾谷

卽今硤石也硤石本一山始皇以山出王氣鑿分爲兩水

流其中今兩山夾峙東曰沈山西曰紫微山皆古攜李地

水經云谷水出吳小湖逕由拳縣故城下由拳秦時長水縣也始皇時淪沒爲谷因目長水城水曰谷水也梁元帝元覽賦云時渡谷口之陽尙想嘉禾之方則谷水非爲吾禾之水哉總之自源而言曰上谷卽今硤石山之上谷湖又曰星湖谷水所出在此自流而言曰長谷自上谷至由拳縣滙諸水始大曰谷口又東南逕鹽官縣故城出爲澹浦以通巨海皆谷水之支派也今長水城之迹雖湮沒不可攷然舊謂谷水在餘杭者固非吳地記謂入華亭縣者亦非

石齋文鈔

補

司志水經注所載谷水原委本自分

明惟引神異傳目長水城水曰谷水後人遂謂嘉興

境之長水卽古谷水湯志云谷水在縣南四十五里古戰塲口秦長水縣然云自硤石襟帶吾禾以至於泖通謂之

各水此特就後世水道言之未可據此以論古谷水舊志  
皆附會以求合於水經之說其在縣境無故道可考柳志  
亦不能確指也

許尙谷水詩短櫂經由處風披藻荇香中宵孤鶴唳片月

印滄浪

嘉禾志

吳謙牧谷水歌雲峯九十九蒼翠滿山松借問清秋月先  
懸第幾峯我登湖上樓湖上秋風發蕩搖湖水光欲墮

雲中月

明詩綜

朱葵尊駕鷺湖襪歌谷水出來出小湖渚城辟塞總春蕪  
戰場吳楚看猶在拆戟沙中定有無

暴書亭集

橫港在里南七里



貝瓊橫港詩南行入橫港茅屋帶林邱落日猶斜照寒潮  
忽倒流牛羊平野散鵝鴨小谿浮喜見平生友籬邊一繫

舟清江集

徐在橫港晚渡詩長林一片夕陽收晚渡浮橋亦勝游野  
艇橫谿風打雁山雲宿岸月停鷗笑無竹院畱僧榻帶得  
農書正麥秋老圃偶來义手問半通名姓愛清流演谿詩

練浦在里東九里世傳吳王練兵之所又名練塘其浦水名  
螺青

補練浦西通長水東接橫塘其北流入長水處曰斜塘俗  
名斜尖又有一螺青浦水名暴書亭集

六萬軍港

六萬軍港在長水塘二十里舊傳曹操追叛軍六萬至此斬之長水盡赤瘞盈甲於此而去里人驚懼立塏以鎮號

六萬軍塔今廢

吳志

〔補〕六萬軍塏在長水塘南二十里

嘉興縣湯志

桃鄉在司馬坊詩人李符居此王石谷輦爲寫桃鄉圖併題卷末有結隣偕隱之語時藍謝青深亦有卜隣之約

朱彝尊題李符行腳圖詩桃鄉一望水接藍擬結隣居共釣潭休信碧雞狂道士閒拋老屋在花南

〔補〕李符司馬坊新居詩擬築茅茨面碧谿桃鄉深處把耕

犁結廬人境非吾願掃地焚香只暫棲  
香草居集案先生詩桃鄉當渾指

谿上幽僻處擬將卜築於此非卽司馬坊并恐非實有其地桃鄉圖今藏富孫家

蓮花洋在里南馬疇

小桃源在里南高橋

〔補〕小桃源在平橋西雖去市未遠而村徑迂僻人跡罕至

桃花千樹映帶溪流居宇無多且就傾圯而結構越俗非  
胸有邱壑人不能昔李畊客先生築舍桃鄉見諸吟詠西  
峻先生送之入都亦曰旅枕歸夢濃定憶桃鄉犁吾里今  
無所謂桃鄉者殆卽此也

春風錄

〔補〕東谿在里東五里而近梅谿之水西匯橫涇之水東邁地

勢與衍而清淑朱別駕其欲卜舍於是而未果

春秋錄

鈔蕩在里西北十里許俗稱草蕩故吳越戰場有橋名國界

爲吳越分界處吾里在春秋時蓋越之北境也

同上

南蕩在里西南隅長水東境也以別於鈔蕩故稱南

同上

上胡醉蓬萊詞序云癸未余從山陰歸王孟徵邀同杜林

若徐庾清漾舟南蕩時清秋多暇水情空虛酒間杜引喉

發音徐吹簫和之悠揚反覆林木奏爽一曲未終而側月

西弦矣

橫一港在里北三里

鄭米篩港在里西北七里

北斜港在里西北八里

清泰港在里西北九里

柵郎港在里南一里

雄雞港在里南七里

白雲港在里南八里

以上嘉會鄉

倖祿港在里北四里

零宿港在里北七里

木場港在里北八里

以上長水鄉

石橋港在市南

橫涇港在里南三里

長生港在東市長生橋

迎春港在里東北二里

長祿涇在里東五里

中爽港在里東九里

以上大彭鄉

已上俱補

梅里志卷一

梅里志卷第二

里人楊謙纂 李富孫補輯 余林續補

李保宸參校

古蹟

補里自石晉以來日漸殷盛歷今數百年其勝蹟流傳或廢址無存或遺聞可證並臚舉之使後之人得以揆考不至終於湮沒焉

大街相傳石晉時鎮遏使王遠策

補大橋南上石街猶是石晉時遺迹故老流傳人無異詞世遠莫據可存以傳疑耳

春風錄

響鈴墳在大井坊後相傳南宋時王妃時卿雲之墓人上其家有鈴聲響應故名上有古柏一株余少時猶及見之

〔註〕響鈴墳在中環橋北相傳前代王妃葬處有獨樹不枯榮人行墳旁鈴聲輒隱隱鳴地中遂得是名百年以來人煙稠密夾樹而居獨樹無存鈴亦不復響矣

春風錄

繆綬武梅花鈴踏春詞野館春蕪翠幙深響鈴墳北日將沈荷花紫草川如錦菜甲莖心色似金

許煥梅里詞獨樹無枝表古墳響鈴人話舊時聞玉魚金盃無消息蛺蝶猶疑化綵裙

趙懷玉響鈴墳詩絢扇珠襦一夕捐松楸今屬野人田可

謝委主理香口已是殘山臘水年  
玉勾一樣怨秋螢此  
地猶傳有響鈴莫笑妖僧餘劫火西陵夜夜哭冬青  
梅花莊明初孝廉王鏞及弟鈞所居今廢莫攷

梁寅題嘉興王氏梅花莊詩瀟灑山莊對翠岑梅花渾似  
白雲深西湖處士臨流翫東郭先生踏雪尋晝暖山蜂喧  
隔屋夜清霜鶴唳中林輞川舊日多松竹同是高人冰玉  
心

石門集

許燦梅里詞三里清谿似帶長梅花古樹幾枝香口從孟  
敬題詩後不數王維輞口莊

補王焯梅花莊詩石門集裏詠山莊爲想梅花滿屋旁樹



底翠岑曾對酒溪頭寒月舊窺堂瑯琊遺跡歸何處兄弟

才名在故鄉憶得孝廉船未覓聯吟應愛白雲香

白華堂集

常平倉在西塘口明萬厯二十四年知縣陳儒建今廢其址

尙存稱爲倉基云外有營汛設駐防於此

萬厯間知縣陳儒建常平倉於四鎮曰王店新豐新行鍾

帶朱廷益記

吳志

四鎮倉基義田等六十一畝四分二毫九釐銀米俱不起

科

賦役全書

補王店鎮常平倉廳屋三間左右翼房各一間東西倉廩

各七間門房三間

湯志 春風錄門榜曰常平倉前有屏牆一座

〔補〕常平倉明先九世從祖繼泉公捐基地五畝建并輸穀石以備荒賑今倉已久廢百數十年來無能創復舊時外設營汎置斥堠今兵房亦無存駐防一員僅僦居古中坊後民舍

社學明萬曆二十六年知縣鄭振先建在常平倉內今廢

社學萬曆中知縣鄭振先復建六所鍾秀棚搭二坊王店等四鎮

吳志

西樓在里中鴉髻橋西姜家街口名姬穆素徽居此後屬李氏今尙存

〔補〕春風錄穆素徽曲中翹楚亦此間妓也或謂西樓記云美人家住大橋頭今大橋之北有高楼猶

以西名爲素徽松宅未知孰是

王鴻宇梅里詞西樓終古帶斜暉一曲梨園往事非想像  
佳人矜絕世素徽風貌似崔徽

楊謙西樓調笑令詞樓在橋西岸當日樓頭人顧盼夕陽

山映桃花面一自彩雲飛散只聽調舌鶯簧轉幸有梨園

重見

袁籙菴韞玉作西樓傳奇盛行於世

烈婦津在西塘口因硤石沈華區婦名焉

補烈婦津在慶豐橋南所謂營前也順治乙酉硤石周氏

據關廂拒守偏師勦之不崇朝而滅師旋挾婦女數十人

經梅里泊舟營前一婦猝投水兵亟以撓鈎挽之不得怒

擯鎗戮死水中既去里父老爲棺歛焉

春思

周箕沈烈

烈女潘氏硤石沈某妻也潘沈二姓世相

嫁娶婦女多著貞節而烈婦死最慘乙酉八月兵入硤俘  
女婦以百數還泊王店西塘口諸女婦多相擁而語且泣  
者烈婦獨憑舷以坐頃時卒他顧突躍赴水中旁一卒就  
水鈎其髮又一卒綰其衣提之拔刀指曰斫汝斫汝言未  
既而烈婦又躍入水矣一毳衣卒取矛絞綰裙裾而上水  
血淋漓同俘諸婦女皆掩面不忍視前拔刀者怒斫之中  
肩烈婦且呼且躍終搶入水持刀卒怒甚擲刀取長矛刺  
水中連數十創血沫湧上水色爲殷挽視之氣絕烈婦凡  
三躍入水然後得死卒欲磔其尸兩厓觀者爲請廼舍去

余伯父華山素好義爲買棺貯之畱一屨爲驗越日其夫  
來見屨悉婦死狀慟哭久之旣扶歸營葬訖今歲亦卒卒  
之月日與婦同人以爲異焉論曰兵之入硤也婦女死節  
者蓋數人獨烈婦余目見之故詳語云慷慨赴死易從容  
就義難若烈婦者又何難易之足云乎

潛光集

蔣薰沈烈婦傳都司李某在梅谿見其事亦歎曰吾部下  
獲子女多矣未嘗有此浙西惟沈婦一人乎捐千錢爲殮  
衆始敢購而烈婦得就木焉梅谿人欲於烈婦死處營方  
丈塚樹珉道旁識曰沈烈婦之墓會華區以櫬歸硤遂不  
果一時送者千人多有白衣冠奠酒焚紙錢挽紼而哭者

留素  
堂集

橋李城在里南七里久已蕪沒

吳郡嘉興縣南有橋李城

杜預左傳注

橋李在縣南四十五里高二丈厚一丈五尺後廢按舊經故戰場在縣南四十五里交谷中卽秦長水縣古橋李城也史記載吳王傷指卒於此吳記曰谷中有城故由拳縣也卽吳之柴辟亭神異傳曰由拳縣秦長水縣也始皇時有童謠曰城門當有血城陷沒爲湖有老嫗聞之憂懼且往窺城門門侍欲縛之嫗言其故嫗去後門侍殺犬以血塗門嫗又往見血走去不敢顧忽卽大水漲欲沒縣主簿

令吏入白令令見吏曰何忽作魚吏又曰明府亦作魚遂

迺淪陷爲谷矣因目長水城水曰谷水也

嘉禾志

張堯同構李城詩螳螂方捕楚黃雀遠乘吳交怨終亡國

君王到死愚

同上

繆泳構李城詩空壁岩堯路不齊沙場南望故城西闔閭

歸國諸軍盡風雨猶聞戰馬嘶

苻谿詩集

小長蘆長水舊名朱太史葵尊城南雜詠二十題中有小長

蘆又自號小長蘆釣魚師

構李舊號小長蘆

吳郡諸山錄

朱葵尊鷺鷥湖權歌稗花楓葉宋坡湖路轉潮鳴山翠無

百里鹽田相望白至今人說小長蘆

暴書亭集

馬塘堰在里北十八里馬王塘橋

馬塘堰在縣南七里廣四丈高五尺長七十步攷證舊經云秦始皇三十七年東巡至此改長水鄉爲由拳鄉遇水爲堰以厭水市之謠其隄旣立斬馬祭之而去九域

志同

嘉禾志

馬塘堰在縣南長水塘昔秦皇堰水鑿河處刑白馬以祭

故名

何志

張堯同馬塘堰詩疑著風波惡民謠亦畏人築塘成堰後斬馬祭河神



宋槐在里南四里大石橋蔣莊今已無存

王庭詠宋槐詩榦裂枝枯葉尙鮮老槐端的似龍眠君家  
世澤由來久種此相傳六百年 三公起後產才多文采  
風流莫爾過枯樹賦成人自老我來相對共婆娑

北蕩在里南五里王家兜相傳南宋高尙書鵝鴨池

蔣薰北蕩懷古詩葭莢青青春暮時渚鳬洲鷺宿參差當  
年樓閣沈煙水猶似尙書鵝鴨池

留素  
堂集

假山在里東北二里明李東巖築高數仞多古木號小輞川  
東巖詩所謂泉石久成元亮僻谿山眞作輞川游是也

李自明土假山記澱谿之里有土山崇然廼余先世東巖

公之所築也吾李實著姓於苞谿自東巖公分居至此始  
於所居之陰背築是山而是山與吾姓並著於茲土矣相  
傳於今已五六世雖支分派析而均曰是假山之後也是  
山也東南注以清谿西北環以大路高可五丈許前後左  
右計三百餘步固不由天造地設然當暮春深秋竚而望  
之鬱然有興雲出雨之狀其上昔有層臺角亭而今則但  
荒荆野棘雜以桑柘而已

李氏  
族譜

〔補〕小輞川在里北三里明李元厚所闢元厚家海鹽爲里  
人王廷宰明府贅壻於舍北累土爲山雜植花木綴以亭  
榭有巖壑之趣人呼小輞川今稱假山李氏族聚於斯

春風

錄

繆綬武梅花谿踏青詞好花開徧假山頭少婦閑乘燕  
舟連日春寒蠶未浴新曹王廟不妨游

達墩在里南三里馬家墮塘西有東西二墩上有黃土草詳  
其所始

東塢在里東六角亭今廢

釋通門梅里鎮重修東塢詩千年寶塢一回新多少香花

結勝因清曉登來看六合出頭天外想奇人

煙臺別集

洗梳池在觀瀾巷前汪建年廢宅後今尚存

七十二池在谿南市後今湮沒過半矣

天主堂在西塘口今廢

八百井在大石橋

莊士宏曾避亂南村以銀八百兩計一百六十錠託蔣丹崖遂投井中覆以瓦礫歷三載索取礫盡不得丹崖以誤託悔無及少頃井中人持數錠而上曰得矣更深求之止缺二錠丹崖謂士宏曰嗟乎貧者不可託財也使此金終不得我何以自解今少者二錠欲負託當不若是廉盍畱以守井士宏廼棄而不取好事者聞之名爲八百井

蔣丹崖行

補山基石在市後太平橋北

太平橋北

雪堂瑣錄  
名麻田灣

相傳昔有農人方耕田田間忽湧起

一石漸起漸大農人驚厲聲喝之遂止人謂此將湧出成

山因喝而止耳其石不可搖撼似根柢甚深且大者

春風錄

續補壇基在荷花池東前明厲壇土地祀孤魂之所

坊巷

〔補〕嘉禾志錄事司坊七十舊志備載之里中坊巷相傳七十有二歷歲既久或舊名不存并俗稱多誤茲叙其猶傳於今者坊表增附於後

慶豐坊在慶豐橋東堦

常平坊在牡豬漚

聚奎坊在南六十間下

〔補〕里人稱地名往往舉其屋數如曰十間樓曰廿間曰四十二間曰東十一間曰西十一間曰三十二間又分之爲東十六間西十六間曰六十間又分之爲東廿間中廿間西廿間又有四方屋半并屋他處所無也

春屋錄

補明先繼泉公有遺札云頃得北川五畝有零又得六畝有零造爲市房得六十間此在明萬厯時可知以前西鎮居民寥落至市中始有賣魚故橋以是名南爲豬行街北爲菜蔬橋過東大橋爲人煙輳集之所萬厯以來吾族正盛始起造市屋或六十間或四十二三十二里西漸成市鎮其名遂相沿不改耳

李遇孫天啓錄

里仁坊在六十間下分東西中二坊

滙龍坊在斜港滙

秀谿坊在十一間下分東西二坊

勝錦坊在牛石步上

青龍坊在東木橋北境東首

三元坊在四十二間下史家場

補州傳場馬史  
學前遇舊宅

太平坊在四十二間下五間頭至葡萄棚

大井坊在葡萄棚下向有大井在混堂街口今石欄尙存

百花坊在太平坊後十三間下

繆綏武梅花谿踏青詞彩燈隊裏鼓頻搥繡閣朱門簾幙  
又雜劇紛拏方未了百花坊外月西斜

紫薇坊在三十二間下分東西二坊

後紫薇坊在項家灣

奪錦坊在火街東首

永凝坊在姜家街口

釣船坊在荷花池上

朱葵尊積雨詩烏篷夜挂釣船坊曉起水添三尺強欲覓



園花查上舍廟但愁橫漲板橋坊

清和坊

廣平坊

司馬坊在板橋東首

書房坊在賣魚橋北

賣魚坊在賣魚橋南

古中坊在豬行頭

石灰坊在王家灣

一名六字號

龍津坊在大街上

大橋坊在大橋北堍

眾安坊在大橋之東

水月坊在馮家帶

古里仁坊

雙龍坊

萬安坊

長生坊在長生橋

繆綬武梅花谿踏青詞十晦之間鬪草回障羞扇子滙邊

開欲看石佛過橋去歸向長生坊裏來

五龍坊在五龍橋

梅谿坊在鮓橋外梅谿匯

廟橋街

木橋街有南北二條

紫薇巷

火街

毛家街

姜家街

永凝巷

牛街

混堂街

狗街

環橋街

褚家街今廢

小橋巷

西環巷

板橋巷

小豬街今改小芝或改小邾

石灰橋巷

欄杆橋巷

大街巷

期堂巷

五龍橋巷

缸行街

長安巷

太平巷

永年巷

萬年巷

東慶巷

積慶巷

習慶巷

永平巷

永靜巷

永樂巷

興龍巷

花園街

新橋巷

安樂巷

補坊表

附

錢衡百歲坊在里南馬曠之潛村明嘉靖間舉鄉飲賓壽百有四歲授登仕郎建坊

監生李源妻朱氏旌節坊在中環橋東北五道前乾隆二年建學使鄧公鍾岳題曰節孝流芳

王心耘妻張氏秉衡妻周氏雙節坊在姜衙東草白場王氏宅前乾隆四年子家幹建

張文玉妻王氏旌節坊在三十二間後宗祠內乾隆四年孫肄創祠建

贈儒林郎張淵妻沈氏旌節坊在棧頭上張氏祠堂前嘉慶

十八年子士楨建

贈奉直大夫張湘樂善好施坊在里西三官堂南嘉慶二十五年子士榮等建

續馬濂聘妻何氏旌節坊在西塘口道光七年建

## 橋梁

補梅里本水鄉縱橫皆有橋梁以通津渡其跨市河而南北者凡十有一東西行者亦十有一故昔有橫十一豎十一之諺今以其近於里者亦附焉

塘橋在西塘口名慶豐橋明成化間里人王彝捐銀改建石橋下有木柵補續道光二十二年海甯史致和重建里人李富

孫記

補李富孫重建梅里慶豐橋碑記長水發源天目經硤石至梅匯達於彪湖梅匯在嘉會二都之間市名王店石晉時鎮遏使王遠居此環植梅花亦稱梅里里西跨長水有

橋曰慶豐一曰塘橋爲西路入市之門戶水又分流東注爲市河卽梅花谿居民稠密僅三里許至橫涇會於海鹽塘橋在西塘口本架木爲之明成化間里人王彝叔倫捐銀改建石橋下有木柵里西嘉會鄉有十八十九等都村堡相聯人烟櫛比皆紛至貿易遠近商賈往來於是橋者日數千人然自成化來迄今三百有餘年已久傾圯雁齒漸平上下有崩墜之勢行旅之人罔弗慄慄危懼若有將墜於淵之慮欲共集議重建而未得果海昌史君春臺自硤石徙居里中以此橋爲一鎮之要衝東西之市易有無之懋遷胥繇此以通津渡人之履趾交錯者可以免厲揭

之患則是橋不誠有關於利濟乎爰首捐錢若干緡邑侯  
楊公聞而善之曰此義舉也卽捐廉銀壹伯兩以倡率之  
於是以四月中興工先設浮橋以便行人乃庀材鳩工撤  
而新之加高一尺西挽亦加廣尺許里人慕義好施者魁  
史君一人獨肩其事朝夕督視閱五月而告竣共糜錢四  
千緡落成之日凡四方來集經是橋者莫不拱手歎美則  
史君之爲此舉也誠可謂慷慨輕財樂輸尚義者已孟子  
曰歲十一月徒杠成十二月輿梁成以民不病涉爲王政  
之一事今史君亟亟於是役旣不惜捐資復躬親率作踴  
躍以觀厥成名仍曰慶豐里人有史公橋之稱將見市閭



輻輳物阜民康實有佐王政於一隅而利濟於鄉井豈不  
溥哉則人之經行於此者卽數百載後猶將稱頌而不已  
也其竭力襄助者徐君蘭谷汪君一江暨史君喆嗣例得  
並書於後道光二十二年歲在元默攝提格九月旣望勒  
石

廟橋在塘橋廟左明萬厯年建乾隆辛卯里人公捐重建下  
得片石有永甯字遂以名橋下有柵

西木橋

續補

同治八年里人重建

東木橋

續補

光緒二年里人王維祥等募捐重建

中環橋原名墳橋

補橋北有響鈴墳當時因以爲名

嘉慶十五年重修

板橋一名廣平橋

朱彝尊送耕客南還臺城路詞花南老屋花無數茅堂在  
花深處薑蔗閒塍竹梧小徑吾亦板橋西住天涯倦旅忍  
負了芳辰又過殘暑底事秋風罷官不去送人去江鄉舊  
時伴侶有山中猿鶴沙上鷗鷺黃雀披綿玉鱸堆雪誰並  
船窗同煮離居最苦判茸帽衝霜也尋歸路得及春游紫  
荷田醉舞

曝書  
亭集

賣魚橋在里中東西以此爲界

李符寄二顰摸魚兒詞幾年來月泉吟社約游都在鄉里  
舍南舍北招尋慣祇隔一重烟水吟且醉從不負兔華圓

缺花榮悴難忘最是共詩衲林樸茶仙丈皆山鸚鵡林挑燭話到

梵鍾起江南好留住春船行李西風旋又吹袂鴈沉蘆響

搖秋雪舊國應凋寒翠愁夢裏也只戀漁灘掃葉炊燕米

賦歸須記在養鴨河邊賣魚橋外商畧結鄰事香草居集

闌干橋在猪行頭補續光緒二年秀水王鼎華里人胡錫祥募

捐重建

東闌干橋一名萬安橋

萬安橋在縣南三十七里柳志

大橋在大街補續同治九年里人曹琪淵募資重建

**補**大橋北有雙小橋對峙兩岸多柳因名柳暗村春風錄

衆安橋在大橋之東北塊

東環橋元至正年修康熙癸丑重修一名衆安橋王庭有記  
周貧王店鎮重修東石環橋碑記王店鎮者係嘉興縣四  
鎮之一地在長水之東其水發源天目經數邑而會海昌  
之硤川自硤川北注郡之南湖計程六十里皆長水也王  
店南距硤川二十里北距禾四十里長水至此分折而東  
貫於鎮市以入於海鹽塘而北仍合郡之南湖者也鎮民  
之居挾河成聚爲里者三爲梁者十有一木治者三石治  
者八石治而環者則東西凡有三焉西卽長水所從入中  
則其所經而東則其所洩也河之形直而稍紆市東有地

突出以捍河之衝者曰梅谿滙形家謂此地宜有所建以制洩水則里民當益繁衍而昌碩先是李鹽使懸車時率二三父老曾創樓其上而東石環橋距滙不遠水之所洩尤藉此隘而束之鎮之關鍵焉不綦重歟歲久傾圯往來者病之今歲之夏褚君瑞卿謀諸同志撤而新之橋在東偏而輪助之不懈於西則以一鎮所攸賴也其下得片石鐫元至正年修葺字夫至正迄今約四百載以石之不磨往事可攷作於今者可無徵於後乎工旣竣褚君屬余書其事勒之碑凡爲物欲其堅久工費不可以少靳也然人之不獲往往費甚糜而不給於用者有之今是舉也克任

其心計輸助之入與工料之出錙珠無爽因悉書其後俾數百載而下觀乎此者亦猶今日之視至正也時康熙十有二年癸丑季夏

梅谿橋在東市梢俗名斷橋補嘉慶二年重建何志

補王湘詩注梅塘漾在谿東橋亦名梅橋冬月積柴水中圍以笥籬入春父魚罟罩紛然漁艇蟻集於此今稱斷橋長生橋在斷橋之西北塊

長生橋在縣南三十八里柳志

五龍橋在東環橋之西南塊

菜蔬橋在期堂匯續補同治十三年里人胡錫祥陳湧源等倡

募重建今改采蔬

水月橋在馮家帶之西

石灰橋在賣魚橋東北塊石灰浜上一名日暉

了髻橋在賣魚橋西南塊了髻浜上今改雅吉

續補

光緒二年

里人李保宸張鋌倡募重建

補了髻橋在市之適中長水白石橋紆折以來至是凡九

曲橋東西兩岸明時皆妓館隆萬間爲極盛珠簾對捲翠

幕低垂瓊樹流聲淥波照影想見冶游景象

春風錄

補了髻橋東西向時烟柳天桃朱闌水鳥景極清媚妓樓

歌館影照半溪自乾隆甲戌遭祝融之厄至今惟存空園

一片而已天香錄

小橋在板橋之東北垵側俗名鑰匙橋

新木橋在斜港滙乾隆壬午里人謝松年創建續補道光年重建一名會龍橋同治三年重修

花園橋在里東市後

元學士王景捨宅爲祈堂寺所造花園至今名橋王墓橋墓志

補花園橋在南望堂東南其地風景蕭疏水木明瑟相傳

元學士王景別業在焉故橋有是名春風錄

太平橋在中環橋之北市後

鐵拐橋在里東續補一名聚仙橋同治十二年里人張燕亭倡



募重建

天打橋在里北十八里

天打橋在長水塘南傳有孝婦夢中見人叱之曰天欲誅汝來朝果雷雨婦恐驚其姑至橋受誅天感其孝僅擊碎

石里人因以名橋也

補嘉興府志

新塘橋在里北十八里

續補

同治十年秀水王鼎華里人忻增

茂倡募重建

行善橋

行善橋在縣南三十六里

柳志

廣阜橋

廣阜橋在縣南三十里

柳志

獅子橋在里北五里三姑廟前今廢獅子移至嘉興西麗橋

上

補里北舊有獅子塘橋跨長水上建圯之年俱莫可攷今  
三姑廟前有津渡當是舊建橋處其石背斲爲獅形橋圯  
石存費大未復也會郡郭建橋寫石立券借去卽今西麗  
橋也券上鈐以官印尙爲村氓所藏胡太學紀常曾見之  
而志其年月考西麗橋是崇禎十年邑令李向中重修或  
卽是此時歟

春風錄

移寶塘橋在里南里許相傳建橋時有一石匠見銀一缸從

橋下移過以手扯之得一缸斗故名移寶數年後錢梅莊掘藏其缸缺一塊存家中匠人見之即以所得之塊配之便合其家出銀謝之匠詢其故云起缸時有銀一封上書修缸者謝銀十兩補春風銀作扳缸銀十兩 天香錄攜寶橋橫跨長水塘相傳秦始皇掘長谷洩東南王氣里卒夜見白光起地旦掘得黃金寶玉後於此建石梁名攜寶

**補**移寶塘橋在慶豐橋二里許其後周公遜殺人趨橋欲遁橋為之立乃就獄論死春風錄

雙板塘橋在里南九里施相公廟側

**補**續沈愛蓮雙板橋小泊詩扶花蕭瑟水澄鮮雙板橋南泊釣船到眼遠峯青不斷一枝瘦塔立寒烟

青石環橋在里北五里明李南田建

馬王塘橋在里北十八里馬塘堰俗作螞蝗塘橋西塊有營

汎續補同治八年重建

小馬王塘橋在馬王塘橋之西

馬塘堰橋在縣東南一十二里

柳志

五兒子橋在里東七里橋南有村曰馮村朱太史彝尊曾避  
兵於此續補同治五年里人周學濂倡募重建

楊謙秦溪道中詩五兒子東練浦西竹垞詩老此曾棲籬  
根繫纜一相訪茅屋荒村報午雞

六塏橋在里北乾隆四十年胡榮山建

金家橋在里北二里許續補同治八年里人金誠明倡募重建

續補小金家橋在金家橋北

天開橋在西塘口市北下卽長水支流紆折而東向通斜港  
匯康熙間含山盜起居民負土填塞咸豐三年里人李登瀛  
金城等募資重濬並建木橋於上十年遭粵匪亂復填塞橋  
亦廢焉

丁渡橋在西塘口道光二十四年里人潘懷品捐資重建  
開涇橋在西塘口北同治十一年里人俞寶儒忻萬週募資  
重建

寶勝橋在西塘口北寶勝廟前

瑤寶橋在西塘口北里許光緒元年里人忻增茂募捐重建  
灑浪橋在長水塘西同治十一年里人俞寶儒捐資重建  
石橋在項家灣南

宋彝尊募建石橋疏水自硤石北流爲長水東流爲梅里  
溪流分爲洛斯湖溉田千頃土人誤聽形家之言築堰湖  
上一遇歲旱桔槔不能施太守徐公因民之請去堰以爲  
東流禾黍有秋民樂其利惟是隔湖往來不能無梁以濟  
僉議建石橋以通行者云

獨龍橋在市南蔣家灣積善庵前

高橋在里南一里許

平橋一名懷母橋在高橋西

嚴家橋在長生橋之北

接連橋

一作節廉在里東

朱太史迎安度先生至梅里從茅亭移居接連橋安度有  
春草堂遺稿所謂閉戶野橋畔讀書春草堂也

楊蟠曝書亭詩注

梅塘橋在里南六里橋南海鹽境橋北嘉興境以此爲界光  
緒二年海鹽何丹山募資重建

蔣婆橋

春風錄作蔣步

在里東三里光緒二年桐鄉陳中元里人李

咸勲等倡募重建

董庵橋在里東七里同治七年里人周學濂募資重建